

sh



**ЖОНДЕК АЗИЗ,
НОНДЕК
МУЪТАБАР**

Муносабат | 3 с

**18 НОЯБРЬ — «ЎЗБЕКИСТОН
РЕСПУБЛИКАСИНИНГ
ДАВЛАТ БАЙРОҒИ
ТЎҒРИСИДА»ГИ ҚОНУН
ҚАБУЛ ҚИЛИНГАН КҮН**



**ҲАҚИҚАТ ОЛОВИ
УЧКҮНЛАРИ**
Ёки жаҳид руҳида туғилган
Ўзбек нашрларининг илк йиллари
қандай кечган?

Кеча ва бугун | 7 с

INSON O'ZGARSA - JAMIYAT O'ZGARADI

ЎЗБЕКИСТОН «МИЛЛИЙ
ТИКЛАНИШ» ДЕМОКРАТИК
ПАРТИЯСИНИНГ
ИЖТИМОЙ-СИЁСИЙ
ГАЗЕТАСИ



milliy

tiklanish

№ 44 (1094) 2020 йил 18 ноябрь, chorshanba

1995 йил 10 июндан чиқа бошлаган www.mt.uz / mtiklanish@mail.ru / mtiklanish@bk.ru



**ПРЕЗИДЕНТ ШАВКАТ МИРЗИЁЕВ
РАИСЛИГИДА ЎТКАЗИЛГАН
ВИДЕОСЕЛЕКТОР ЙИҒИЛИШИДА
КОРОНАВИРУС ПАНДЕМИЯСИ БИЛАН
БОҒЛИҚ ВАЗИЯТ ТАҲЛИЛ ҚИЛИНДИ.**

ЖАВФ- ЖАТЛАР ЎТГАНИ ЙҮҚ!

2-бет



**Давлат бюджети
тўғрисидаги қонунга
ўзгартиш киритилмоқда**

Ўзбекистон Республикаси Олий Мажлиси Сенати Бюджет ва иқтисодий ислохотлар масалалари қўмитасининг видеоконференцалоқа тарзида мажлиси бўлиб ўтди.

Унда парламент юқори палатасининг тўққизинчи ялпи мажлисида кўриб чиқишли режалаштирилган масалалар дастлабки тарзда муҳокама қилинди.

Коронавирус пандемияси ва глобал инқироз ҳолатларининг иқтисодий тармоқларига салбий таъсирини юмшатиш бўйича чора-тадбирлар қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисидаги қонун муҳокама қилинди.

Мазкур ҳужжат билан «2020 йил учун Ўзбекистон Республикасининг Давлат бюджети тўғрисида»ги қонунга ҳамда Солиқ кодексига ўзгартиш ва қўшимчалар киритилмоқда

Давоми 2-бетда



**ДЕПУТАТ
ЗИММАСИДАГИ
МАСЪУЛИЯТ ЎН
КАРРАГА ОШДИ**

4-бет



**51 ФОИЗ МАКТАБДА
ИНКЛЮЗИВ ТАЪЛИМ
ТИЗИМИ ЖОРИЙ ЭТИЛАДИ**

Мамлакатимизда бугунги кунда жисмоний ёки ақлий ривожланишида нуқсон бўлган болалар учун мўлжалланган 86 та ихтисослаштирилган давлат таълим муассасасида 21 минг 363 бола таълим-тарбия олмақда. 13 минг 868 укучига эса уйда яқка тартибда таълим берилди.

8 с

3

**ПАРВОЗИНГ
ЮКСАК
БЎЛСИН, ЯНГИ
ЎЗБЕКИСТОН!**

5

**ИЧАН
ҚАЛЪАДАН
ЛАБГУЙГАЧА**




**Парламент
назорати
қучайтирилиши
шарт!**

Ўзбекистон «Миллий тикланиш» демократик партияси фракцияси аъзолари Давлат бюджетининг 9 ойлик ижроси ҳамда «2021 йил учун давлат бюджети тўғрисида»ги қонун лойиҳасини муҳокама қилиб, ана шундай қарорга келдилар.

Таъкидланишича, жорий йилнинг 9 ойи якунига кўра, ялпи ички маҳсулот ҳажми 408,3 трлн.сўмни ташкил этган. Бу ўтган йилнинг мос даврига нисбатан 0,4 фоиз усиққайд этилди, дегандир. Аммо пандемия шароитида асосий савдо ҳамкорлари томонидан ўрнатилган карантин чоралари сабаб ташқи савдо айланмаси 12 фоизга, бунда экспорт ҳажми 6, импорт ҳажми эса 16,5 фоизга камайган.

Давоми 2-бетда



«ТАДБИРКОР АЁЛ» ЎЗБЕКИСТОН ИШБИЛАРМОН АЁЛЛАР АССОЦИАЦИЯСИ
«ЧЕКЛОВ ЧОРАЛАРИ ВА ДУНЁДАГИ ИҚТИСОДИЙ ВАЗИЯТ ШАРОИТИДА
АЁЛЛАР ТАДБИРКОРЛИГИНИ ҚўЛАБ-ҚУВВАТЛАШ» МАВЗУСИДА
АЁЛЛАР ТАДБИРКОРЛИГИ ҲАФТАЛИГИ

5

**ТАДБИРКОР АЁЛЛАР
УЧУН ЎҚУВ ҲАФТАЛИГИ**

Келгуси сонларда

**БИННИ БАРЧА ҚОНУН-ҚОНДАЛАР
АСОСИДА СОТИБ ОЛГАН
ТАДБИРКОР
12 ЙИЛ ДЕГАНДА ФИРТ
«МУТТАҲАМ»ГА ЧИҚАРИЛДИ**





Ҳар бир табиий нарса ўлчанган бўлади, лекин ҳар бир ўлчанган нарса табиий бўлавермайди.

Абу Али ибн Сино

(Бошланishi 1-бетда)



ДЕПУТАТ ЗИММАСИДАГИ МАСЪУЛИЯТ ЎН ҚАРРАГА ОШДИ

Тили йўқ эл чиндан ҳам руҳсиз вужуддек гап. Бугун ўзбек тилининг мақомини ошириш, мавқеи, кадр-қиммати ва таъбир жоиз бўлса, умрбоқийлигини таъминлаш хусусида амалий ишларга қўл уриш пайти келди. Яъни, тилимизга бўлаётган эътибор ёки аксинча, унга нисбатан эҳтиётсизлик билан ёндашилаётган ҳолатлар бизни ана шундай кескин мулоҳазаларга ундамоқда. Афсуски, тилимизга совуққонлик билан қарашни ҳар он ва ҳар қадамда учратяптимиз. Дўкон пешлавҳалари, турли реклама ва эълонлардаги ёзувлар, бекатлар ва ҳатто давлат муассасалари бинолари пештоқидаги хатоликлар хусусида истаганча мисоллар келтириш мумкин. Ҳайрон қоларли томони шундаки, ўша пешлавҳалар, реклама ва эълонлар асоси анчагина қиммат турайдиган махсус момаёвлардан тайёрланган. Демокчиманки, шунча харажатга маблағ тежамаган тadbиркор ёки ўша битик муаллифлари ёзувларни беҳато ёзилишига негадир эътиборсизлик қилишяпти. Она тилимизга

бундай эътиборсизлик қайта тaқрорланса, улaрга нисбатан энди қaтьийроқ чорaлар белгиланиши қонунчиликка киритилса, мақсадга мувофиқ бўлар эди. ХХ аср охирида ҳассос ёзувчимиз Абдулла Қаҳҳор айтганидек, нега йўл қондасини бузган автотранспорт ҳайдовчисига нисбатан тегишли чора қўлланилади-ю, бутун бир миллатнинг кўзгуси саналган тилни бузган шахсларга ҳеч қандай чора қўрилмайди. Балки шу сабабдан ҳам тилимизни қадрлаш, асраб-авайлаш у ёқда турсин, уни бузиб талқин қилиш ҳолатлари кўпайиб кетаётгандир? Ана шундай хатоликлар, турли идора ва ташкилотларда ҳужжатлар тайёрлаш, иш юритиш жараёнларида ҳам кузатилмоқда. Бунга ҳам юқорида таъкидланганидек, бефарқлигимиз сабаб бўляпти. Тил - бу ҳар қандай миллатнинг бойлиги, кўзгуси, ифтихори. Уни асраб-авайлаш, ривожлантириш ҳар биримизнинг бурчимиздир. Биз депутатларда эса бу масала ўн қарра масъулият талаб этади. Чунки амалдаги қонунлар асосида бизга

сайловчилар номидан иш юритиш, мавжуд нуқсон ва камчиликлар ҳақида жамоатчиликка ахборотлар бериш ва депутатлик сўровлари орқали мутасаддилар олдиға масалалар қўйиш ваколатлари берилган. Партиямиз дастурида ҳам тилимизга эътибор, унинг мавқеини тиклаш ва ривожлантириш устувор масала сифатида белгилаб олинган. Шунинг учун ҳам пойтахт партия ташкилоти фаоллари, айниқса депутатлар адабиётшунос олимлар, ёзувчи, шоир ва журналистлар билан ҳамкорликда турли учрашувлар ўтказиб, уларда Она тилимизга эътиборни кучайтириш, унинг қадрини ошириш - бу аслида миллатимизнинг келажига дахлдор эканини тушунтирмоқдалар. Хусусан, Олмасор тумани кенгаши фаоллари ва депутатлар ташаббуси билан ташкил этилган «Тил - милли кўзгуси» деб номланган тadbир ҳам ўзбек тилининг қадр-қиммати ва ривожига ҳақида бўлди. Шунингдек, депутатларимиз шахримиздаги бозорлар, савдо шаҳобчалари, кўча ва хиёбонлар,

идора ва ташкилотларда учраётган хатоликларга нисбатан ҳам муросасизлик қилмоқдалар. Яъни, уларни жойида аниқлаб, хатоликларнинг бартараф этилишига эришяптилар. Яқинда Яшнобод ва Бектемир туманлари партия кенгаши аъзолари, депутатлар билан бирга жойлардаги мутахассислар иштирокида «Авиасозлар» ҳамда «Қуйлик» деҳқон бозорларида тил билан боғлиқ муаммоларни аниқладилар. Энг муҳими аниқланган камчиликлар бартараф этилиб, мутасаддиларга зарур кўрсатма ва маслаҳатлар ҳам берилди. Бугунги кун бундай ишлар ҳар бир фуқаронинг бурчиға айланишини тақозо этмоқда. Ишончим комилки, шундагина тилга бўлган муносабатимиз ўзгаради. Миллатимиз кўзгуси, ифтихори саналган тилимизнинг қадри баланд бўлади.

Отабек ЖИЯНБАЕВ,
Ўзбекистон «Миллий тикланиш» демократик партияси Тошкент шаҳар кенгаши раиси

Давлат бюджети тўғрисидаги қонунга ҳамда солиқ кодексида ўзгариш ва қўшимчалар киритилмоқда

Бундан ташқари, мажлисда Ўзбекистон Республикаси Вазирлар Маҳкамасининг 2020 йилнинг тўққиз ойи давомида Ҳаракатлар стратегиясини "Илм, маърифат ва рақамли иқтисодий ривожлантириш йили"да амалга оширишга оид Давлат дастури бажарилишининг бориши тўғрисидаги ҳисоботи ҳам муҳокама марказида бўлди.

Иқтисодий йўналишига тўхталаган бўлсак, дастлабки ҳисоб-китобларга кўра, жорий йилнинг январь-сентябрида ялпи ички маҳсулот (ҲИМ)нинг ўсиши 0,3-0,5 фоизни ташкил этиши кутилмоқда.

Ўзбекистон Республикаси Президентининг 2020 йил 30 июлдаги тегишли фармониға мувофиқ, "темир дафтар"ға киритилган, муҳтож, ночор ва эҳтиёжманд оилаларни моддий қўллаб-қувватлаш мақсадида Қурбон ҳайити байрами арафасида 154 миллиард сўм моддий ёрдам, август ойида 260 миллиард сўм бир марталик моддий ёрдам, шунингдек, тез тиббий ёрдам бригадаларининг 41 мингдан ортиқ ходимларига бир марталик пул мукофотлари учун 141 миллиард сўм маблағ ажратилган.

"Темир дафтар"ға киритилган моддий ёрдам ва кўмакка муҳтож оилаларнинг 16 ёшга тўлмаган болаларига, ногирон ва боқувчисини йўқотганлик пенсияси ёки нафақасини олувчи оилаларнинг 16 ёшга тўлмаган жами 845 миң нафардан ортиқ болаларининг ҳар бирига 500 миң сўмдан жами 422 миллиард сўм бир марталик ёрдам тўловлари амалға оширилган.

Яна бир жиҳат. Ижтимоий ва инфратузилма объекларини қуриш, реконструкция қилиш ва капитал таъмирлаш учун 2 триллион 824 миллиард сўм маблағ, аҳолини ижтимоий қўллаб-қувватлаш учун 1 триллион 211 миллиард сўм маблағ йўналтирилган.

Қуриб чиқилган масалалар юзасидан қўмитанинг тегишли қарори қабул қилинди.

Нурилло НАСРИЕВ,
ЎЗА мухбири

Болаларнинг ҳуқуқ ва манфаатларини ҳимоя қилиш барчамиз учун бурч!



Болалар ҳаётимиз давомчилари, келажикимиз эгаларидир. Бинобарин, уларнинг ҳуқуқ ва манфаатларини ҳимоя қилиш, асраб-авайлаш, ҳар томонлама барқамол қилиб вояға етказиш муқаддас бурчдир.

20 ноябрь - «Бола ҳуқуқлари тўғрисида»ги конвенция қабул қилинган кун муносабати билан «Камалак» болалар ташкилоти томонидан «Бола ҳуқуқларини ҳимоя қилишдаги камчиликлар, муаммолар ва ечим» мавзусидаги халқаро онлайн-конференция бўлиб ўтди.

Унда Олий Мажлисининг Инсон ҳуқуқлари бўйича вакили (омбудсман) ўринбосари - Бола ҳуқуқлари бўйича вакил, тегишли вазирлик ва идоралар мутасаддилари, журналист ва блогерлар ҳамда ҳудудлардан ташриф буюрган «Камалак» болалар ташкилотининг фаол сардорлари иштирок этиди. Мамлакатимизда ёшларнинг, болаларнинг маънавий ва жисмоний барқамоллиги давлатимизнинг бош сийосатиға айланди. Ёш авлод камолоти йўлида сарфланаётган маблағ ва ресурсларга келажакка тикилган сармоя, деб ён-

дашилаётгани айни муддаодир. Бу маблағлар келажакда мамлакатга, жамиятга нафи тегайдиган ёшлар қўпайишиға замин яратади.

Тadbирда Ўзбекистон ёшлари умумжаҳон ассоциациясининг Германия, Туркия, Жанубий Корея, Россия, Украина, Беларусь ва Қозғоғистон давлатларидаги вакиллари иштирок этиб, ўз фикр ва мулоҳазаларини билдирдилар.

Бола ҳуқуқларига доир биринчи ва асосий халқаро-ҳуқуқий ҳужжат - Бола ҳуқуқлари тўғрисидаги конвенция БМТ томонидан 1989 йилнинг 20 ноябрида қабул қилинган. 54 моддадан иборат ушбу конвенция айни пайтда бола ҳуқуқларининг халқаро миқёсда ҳимояланишиға хизмат қилиб келмоқда ва у бола ҳуқуқларига доир миллий қонунчиликни ривожлантиришининг муккамал андозаси саналади.

Ўзбекистон мустақилликка эришгандан сўнг ратификация қилган дастлабки халқаро-ҳуқуқий ҳужжатлардан бири ҳам Бола ҳуқуқлари тўғрисидаги конвенция

бўлган эди. Ўзбекистон дунёнинг 193 давлати қаторида бола ҳуқуқлари ва эркинликларини таъминлашға доир қатор мажбуриятларни ўз зиммасига олди.

Утган йиллар давомида ушбу ҳужжат нормаларини миллий қонунчилигимизға имплементация қилиш, халқаро шартномалар бажарилишини ҳуқуқий тартибға солиш бўйича 100 дан зиёд қонун, фармон, қарор ва бошқа норматив ҳужжатлар қабул қилинди.

Конференция доирасида бола ҳуқуқлари соҳасидаги ютуқлар қаторида муаммолар ҳам муҳокама қилинди. Мамлакатимиз ёшлари улкан ижодий, интеллектуал, ижтимоий-сий салохиятга эға. Улардаги ана шу куч ва салохиятни юрт тинчилиги, Ватан тарақиёти ва халқ фаровонлиги учун сафарбар этишға кўмаклашиш, ҳар томонлама соғлом ва маънавий етук шахс қилиб тарбиялаш барчамизнинг бурчимиздир.

Моҳинур ҚУДРАТУЛЛАЕВА,
ЎЗА

ПАРТИЯ СОҒЛОМ АВЛОД УЧУН МУСТАҲҚАМ ЗАМИН ҲОЗИРЛАЯПТИ

Ёш авлодни жисмонан ва руҳан соғлом этиб тарбиялаш, уларнинг спорт билан мунтазам шуғулланишлари учун қулай шарт-шароитлар яратиш, шунингдек, мактаб ўқувчиларининг халқаро мусобақаларда фаол иштирок этишларига кўмаклашиш, тораб унутилаётган миллий спорт турларини қайта тиклаш Ўзбекистон «Миллий тикланиш» демократик партиясининг 2020-2024 йилларга мўлжалланган Сайловонди дастурида белгиланган энг устувор йўналишлардан ҳисобланади. Утган ҳафта партия вилоят кенгаши ташаббуси билан Давлатимиз раҳбарининг «Соғлом турмуш тарзини кенг тadbик этиш ва оммавий спортни янада ривожлантириш чора-тadbирлари тўғрисида»ги фармони, шунингдек, партиянинг «Тиббий маданиятни ошириш ойлиги» доирасида Фарғона шаҳридаги Болалар

ва ўсмирлар спорт мактабида миллий кураш бўйича ёшлар ва ўсмирлар ўртасида мусобақа ташкил этилди.

Унда вилоятнинг барча туманларидан 100 нафардан зиёд курашчи «Миллий тикланиш» партияси соврини учун ўзаро беллашди.

Халқ депутатлари Фарғона вилояти Кенгаши депутати, Ўзбекистон «Миллий тикланиш» демократик партияси вилоят кенгаши раиси Хурсаной Исламованинг таъкидлашича, жисмоний тарбия ва болалар спорти масаласи соғлом турмуш тарзи учун мисоли пойдевор. Агар ана шу пойдевор мустаҳкам қурилса, натижа биз кутгандан ҳам яхши бўлади. Бугунги тadbир ҳам шу мақсадга қаратилган.

Мусобақа якунида голиб ва совриндорларга партия ҳамда ҳамкор ташкилотларнинг эсдалик совғалари топширилди.

ЎЗМТДП Фарғона вилояти кенгаши Ахборот хизмати

